

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO RADA I SOCIJALNE POLITIKE

P R O G R A M

**EDUKACIJE STRUČNIH OSOBA ORGANA STARATELJSTVA O
STICANJU DODATNIH ZNANJA I VJEŠTINA ZA VOĐENJE
POSTUPKA POSREDOVANJA/MEDIJACIJE I PRIMJENE
ODGOJNIH PREPORUKA I NJIHOVOG IZVRŠENJA**

Sarajevo, novembar 2016. godine

Na osnovu člana 49. Uredbe o primjeni odgojnih preporuka prema maloljetnicima („Službene novine Federacije BiH“, broj 11/15) i Programa edukacije o sticanju posebnih znanja i kontinuiranom stručnom obrazovanju i usavršavanju osoba koje rade na poslovima prestupništva mladih i krivičnopravne zaštite djece i maloljetnika („Službene novine Federacije BiH“, broj 26/14), Federalno ministarstvo rada i socijalne politike, pripremilo je

P R O G R A M

EDUKACIJE STRUČNIH OSOBA ORGANA STARATELJSTVA O STICANJU DODATNIH ZNANJA I VJEŠTINA ZA VOĐENJE POSTUPKA POSREDOVANJA/MEDIJACIJE I PRIMJENE ODGOJNIH PREPORUKA I NJIHOVOG IZVRŠENJA

Član 1.

(Predmet programa)

Ovim programom utvrđuje se način provedbe edukacije stručnih osoba organa starateljstva koji rade na poslovima prestupništva mladih i krivičnopravne zaštite djece i maloljetnika u cilju sticanja dodatnih znanja i vještina za vođenje postupka posredovanja/medijacije u primjeni odgojnih preporuka (lično izvinjenje oštećenom i naknada štete oštećenom) i njihovog izvršenja.

Član 2.

(Tematski okvir programa)

Program edukacije obuhvata sljedeće tematske cjeline za stručno usavršavanje :

- a) Zakonski okvir u dijelu koji normira posredovanje/medijaciju
- b) Teorijska i krivičnopravna osnova za izvansudsku nagodbu
- c) Pojava i kretanje maloljetničkog prijestupništva
- d) Četiri modela restorativne pravde,
- e) Posredovanje između žrtve i počinitelja
- f) Kriteriji procjene pogodnosti slučajeva za posredovanje
- g) Razlike sudskog i izvansudskog postupka
- h) Ključni sudionici u posredovanju
- i) Koraci u posredovanju
- j) Metode posredovanja u zajedničkom razgovoru
- k) Vođenje evidencije i dokumentacije
- l) Evaluacija uspješnosti

Član 3.

(Generalni cilj programa)

Ovim programom edukacije obuhvatit će se stručne osobe organa starateljstva koji rade na poslovima prestupništva i krivičnopravne zaštite djece i maloljetnika, koji će nakon završetka edukacije realizirati dalje edukacije za druge profesionalce u centrima za socijalni rad.

Član 4.

(Specifični cilj edukacije)

Edukacija ima za cilj osposobljavanje određenog broja (15) stručnih osoba organa starateljstva za preuzimanje uloge budućih tenera koji će nastaviti sa daljim edukacijama stručnih osoba organa starateljstva za provođenje postupka medijacije u praksi.

Član 5.

(Svrha programa/edukacije)

Svrha programa jeste sticanje/usvajanje:

- dodatnih znanja i vještine iz oblasti restorativne pravde/izvansudske nagodbe;
- prednosti izvansudskog postupka u odnosu na sudski postupak/retributivni postupak,
- značaj primjene restorativne pravde (tzv. diverzioni model) ;
- modeli posredovanja/medijacije koji se mogu koristiti u postupcima izvansudske nagodbe;
- način realizacije/provedbe izvansudske nagodbe
- način korištenja instrumenata za provođenje izvansudske nagodbe.

(Član 6)

(Ciljna grupa edukacije)

Ciljna grupa edukacije su profesionalci/stručni radnici organa starateljstva koji najmanje tri godine rade sa djecom i mladima s poremećajem u ponašanju, odnosno s djecom i mladima u sukobu sa zakonom, koji su prethodno prošli edukaciju i posjeduju certifikat iz oblasti zaštite djece i mladih u sukobu sa zakonom koju je organizovalo Federalno ministarstvo pravde i koji su spremni po okončanju edukacije preuzeti ulogu trenera i raditi na poslovima posredovanja/medijacije.

Član 5.

(Način i trajanje edukacije)

Edukacija se realizira kroz dva modula.

Prvi modul traje tri (3) dana i obuhvata osnovna-teorijska i praktična znanja iz oblasti posredovanja/medijacije.

Drugi modul traje dva (2) dana i obuhvata provjeru stečenog znanja u prvom modulu uz podršku mentora za proširivanje stečenih teorijskih i praktičnih znanja.

Član 6.

(Nosilac provedbe programa)

Nosilac provedbe programa je Federalno ministarstvo rada i socijalne politike, odnosno radna grupa formirana Rješenjem federalnog ministra rada i socijalne politike, koja je sačinila plan i program edukacije, koju čine profesionalci iz djelatnosti socijalnog rada koji su ranije prošli edukaciju iz oblasti

posredovanja/medijacije i koji imaju iskustva trenera/edukatora stečena kroz učešće na sličnim edukacijama i treninzima.

Član 7.

(Certifikati o edukaciji)

Nakon odslušanog predavanja, učešća u vježbama, učenja između dva modula i prezentacije praktičnog rada uz podršku mentora, učesnici edukacije će dobiti certifikat o završenoj edukaciji iz posredovanja/medijacije u krivičnim postupcima prema maloljetnicima i mlađim punoljetnim osobama. Certifikat će im omogućiti da organizuju i u praksi realizuju edukaciju drugih profesionalaca za postupke posredovanja/medijacije i da provode u praksi posredovanje/medijaciju.

Član 8.

(Plan edukacije)

Sastavni dio ovog programa čini tabelarni pregled - Plan edukacije stručnih osoba organa starateljstva za 2016. godinu.

Član 7.

Program edukacije dostupan je na web stranici ministarstva www.fmrps.ba

Sarajevo, 15.11.2016. godine



PLAN EDUKACIJE

Program edukacije	Broj sati	Vrijeme održavanja
<p>PRVI MODUL</p> <p>Predavanja:</p> <ol style="list-style-type: none"> 1) Zakonski i podzakonski okvir restorativne pravde 2) Teorijski okvir restorativne pravde 3) Modeli restorativne pravde 4) Metode rada u provođenju posredovanja/medijacije 5) Vježbe 	24 sata	Tri dana u mjesecu novembru 2016.godine
<p>Rad uz podršku mentora između dva modula</p> <ul style="list-style-type: none"> ➤ Čitanje predloženih dokumenata (propisa, objavljenih radova iz oblasti medijacije u izvansudskoj nagodbi, knjiga, analiza, studija); ➤ Rad uz podršku mentora na jednom slučaju u praksi; ➤ Igra uloga uz podršku kolega na radnom mjestu. 	30 sati	U periodu između dva modula
<p>DRUGI MODUL</p> <ul style="list-style-type: none"> ➤ Provjera teorijskog znanja stečenog na prvom modulu i između dva modula; ➤ Prezentacija pripremljenih praktičnih slučajeva; ➤ Osvrt edukatora na rezultate provjere znanja i prezentacije slučajeva, sa pružanjem po potrebi novih informacija 	16 sati	Dva dana u mjesecu decembru 2016.godine